

雲中郡志

雲中郡志序

為

天子牧圉吏無事不奉若

憲典而要於掌故明切子

輿氏所謂當務之為惡杜

元凱曰世季而官失其守



刊而正之。廼爲善誌。則夫  
纂修史乘。洵稽遠徵。來之  
急切務也。願志一而規制  
迥殊。郡志與州縣志不一  
邊郡志與腹郡志不一  
昭代肇造之志。與往代沿襲

之志。又不一。所係搽觚者  
肆攷覈。確芟注酌。古準今  
續緝。惇史永永。泐不朽雲  
中天下之脊。密邇右輔。柱  
礎

天西屹屹乎萬雉金湯也。戎

大夫胡子進而言曰

國邇葦新經制犁然矣本府  
甫經殘破之餘一切軍籍  
民版統不得倉輒氏一核  
名實纂修之不容已先惟  
臺牒主持之余爲之啟啟

擊節謂夫郡乘攸關靖爾  
位而載采采斯其急務其  
首務焉管先王懿文設險  
大要以天審地勢一筦其  
樞於人吏纂修者本諸此  
而已今之時何時乎

大人虎變志正治曆剛時之  
款炳文明而正位凝命革  
而鼎其際也乃繫傳又云  
戰乎乾勞乎坎雲峙西北  
古稱英雄用武地陳陳武  
庫詎敢忽諸至於備長子

而貞節鉞其師之九二乎  
悉戶口庀田賦選廷蒐乘  
寓兵於農志不啻詳哉言  
之矣子大夫日討故實而  
申警之正不必券廢貯於  
司饗勘戰守於

盟旅分更引涵一展帙而  
較若古名臣坐籌帷制  
勝疆場之外此物此志夫  
寧第掌故已也甌脫弁中  
志聚伏波之米羸縮登耗  
志繪蕭鄴之圖穀餽而豆

區詳穀敵而戈鎧弔志與  
方畧誓禽等重纂修之攸  
關如是夫抑聞漢制二千  
石綰銅虎符得專興發討  
擊則武備文事實式併肩  
之是纂經緯臚列巨細詳  
明本大義而識武功謂為  
郡志也可卽軍志也可書  
成而喜其急當務弁言以  
示傳信云

欽命總督宣大山西等處軍  
務兼理糧餉兵部左侍郎

兼都察院右副都御史三  
韓佟養量撰



雲中郡志序

古者各國紀域內山川景  
物習俗土宜以闡風化而  
貢

王國卽今之郡志也第名史  
不名志迨越太史公至于



班氏漢書廼名曰志其天文地理食貨藝文諸篇遂爲後世纂修之祖而規制一本史記則子長洵千古之伊亂也然論者猶曰史遷蒐採于紀載飛灰之餘風神獨運而疎宕處多嗚乎纂志詎易言哉而纂志於紀載飛灰之餘又豈易言哉雲中古九原地肇基三代扼蜚狐拔玄岳攬句注管涔之勝屹然

畿輔右翼試一覈故典而  
昭若指掌者歲辛卯余奉  
簡書西出巡宜雲雲在鼎革  
後特罹戊子之變兵燹之  
餘疆域稍殘官斯土者悉  
鷓鴣擇居余歛歛日雲中  
古鉅鎮繫維西北要害重  
地城社幾墟整頓應急廼  
拜疏特

請議復則夫荒蕪之疇逃亡  
之屋與嗷嗷哀鴻之慘業  
繪圖而達

紫宸宸矣爰檄該郡取府州縣  
志而覽之其亦涑水氏讀  
賦役之惓惓乎而胡守以  
灰燼殘缺甫事纂修報繼  
乃牘請志序曰纂修係郡  
守職掌責不敢辭噫是徒  
知維郡守之喫緊而不知  
係採風者之急畝也昔有  
周方盛以皇華遣使諏謀  
詢度蓋卽太史陳詩而風  
謠載列于典冊不言志而  
志可知矣漢去古未遠建

元間以汲長孺爲河內謁  
者奏賑殘傷百姓萬餘家  
嗣是而十道之分行直指  
之遍訪觀風之八使何代  
不亟周爰貞觀有黜陟大  
使之名稽志中之秩官也  
開元有繡節勸農之使致  
志中之田戶也洪忠節使  
遐陬所在以山川嶮易圖  
劉忠宣欲悉天下戶口阨  
塞之誌辭翰苑而請職方  
豈有身親歷履而不於典

纂一爲叅究者郡志之關  
于採風願不急乎胡守良  
苦心哉灰燼之餘大煩搜  
撫若體余巡方至意而爲  
是亟亟焉觀其次第明楷  
集散成帙潤舊爲新佐

鼎運而遵車書大有補于雲  
鎮使守土者鑒之捍圍撫  
綏可勵官箴後之繡節使  
備考覈而藉手其以杼入  
告之枕匪淺矣因其請而復  
之用識簡端

巡按直隸督理宣大二鎮  
兼學政轄山西大同府所  
屬州縣直隸延慶保安二  
州等處監察御史中州薛  
陳偉彤許父撰



雲中誌書序

三雲禹貢幽州之域以冀  
地廣而分疆夏商屬冀成  
周屬幽春秋而後或爲代  
郡或爲五原定襄郡或爲  
朔方或陞爲西京遷徙不

常名號亦因歷朝而建其  
地甲于諸邊萬山環拱形  
勝已極天西有明洪武七  
年始改大同路爲大同府  
隸山西布政司置四州七  
縣增設城堡規制壯麗遠  
勝前朝迄今因之爰考其  
因革之大較堯時和叔來  
宅水有恒衛治自崇伯而  
神禹繼之成湯始立代子  
代其昉于商乎秦因燕趙  
之舊置雲中郡則雲中端

雲中郡詩 序  
自秦始東西二京式廓宏  
于前代餘威震乎殊俗迨  
西北板蕩典午德衰李唐  
遂失河北石敬瑭乃割燕  
雲宋自陳谷一敗無復能  
窺太原尺寸至契丹敗雲  
州爲大同其立名則自遼  
始矣金元明三世相因而  
設府置帥有明屹然立爲  
重鎮云

國朝以順治五年逆賊姜瓖  
之亂次年移府治于陽和



雲中君詩  
月  
鎮城良由

聖天子在上威武奮揚故小  
醜叛而旋滅否則如漢宣  
時單于呼韓居光祿塞下  
光武遣段郴入居南單于  
於雲中晉封索頭拓跋珪  
自茲啓土唐入沙陀中原  
之地一失則不可復得殷  
鑒誠不遠也某督餉雲中  
適當姜逆兵燹之後城邑  
蕭然邊方慘澹非復昔年  
三雲氣象環顧而興慨者

久之乃二千石煥然胡君  
謀之 督臺佟公曰地方  
經逆變擾亂惟誌書不可  
不存誌書不存則山川形  
勢及土俗人物後人杳不  
知其端緒非所以廣輿圖  
表風尚也力爲購求得制  
書一本芟其繁蕪纂其要  
略彙成大觀 滄涵佟公  
見而喜曰此誠不朽盛事  
也遂爲之序以弁其端  
順治壬辰夏四月

欽差管理大同糧儲稽覈兵  
馬兼管屯種戶部浙江清  
吏司主事華陽劉國欽天  
京父撰



雲中郡新志序

周官置內外史外則採風  
輶軒所寄今之郡志古之  
列國史所係良亦鉅矣况  
夫  
肇造聿隆制度考父之典

雲中志序 卷一  
繁煌之鄭重也

今上聰明英武文治翔洽海  
內外咸若戊子大同密邇  
右輔敢匪茹倡逆越明年  
已丑削平

制駐府治陽和余於七年  
庚寅夏六月由昌刺奉

命守茲南釋黠齡事之同草  
昧且日侍

制府帷幄凡所諮阨塞左  
口士馬金穀之數多不獲  
原冊攷寃每用是拊髀府

乘亟欲得前代典籍刪潤  
之以成

一王體裁此職守法風志也  
素灰地之餘散帙淪鞅西

河氏昔訂晉譌今且安得  
三家而釋之手禮失求野

久購得明守汪君承爵所  
纂大同府志首尾二三冊

與郡之學博子衿輩斤斤

叅稽通牒報可遂輯其事

而纂修焉自今伊始庶其

可以備方策傳來禊矣然

而纂固未易言也著作雙  
校之舉摺曰修經曰  
翔方

今五德乘旺心

龍興鼎建之初而雲變陸作  
規制又復一更是且為修乎

為翔乎第必盡其局而難  
除之又頌訓之所謂彛也  
班孟堅一代良史律曆世紀  
等篇何者不與子長符其  
間華離曲折固時致義之  
宜要皆誦法乎孔子孔子

謂殷因夏周因殷其所損  
益可知是不獨論世已也  
則夫百二十國之寶書實  
式權輿今試統全志而上

下之象緯纏度義和所不  
能變矣山川嶮夷白阜所

不能更矣忠孝節義狀之

天壤間聖人溥起不能易

矣他如田賦之登耗徭役

廢貯之輕重類推而文質

懿肆統不出所損益是琴

不調更絃可鼓績絃者致

錦異而經緯自定此古今  
 修纂之大肯也原志大目凡  
 九曰方輿曰建置曰食貨  
 曰秩官曰名宦曰武備曰人  
 物曰外志曰藝文其各志  
 之屬五十有奇一曰武其款  
 項惟是舊編卷數頗滋茲  
 鈎至十四卷疑于繁簡之  
 互異不知著書者連作而  
 言之夫連作第無害焉爾  
 今者時移世异即如宗藩  
 摠款之類則固有必不可



厚中志序 卷一 六  
曉之者吾慮連祚之以辭  
害義也矧

鼎運方昌日升川至後來嗣  
緝寧必侈上甲乙部已字  
是編也謂余為初不敢當  
而第云仍舊貫則夫奉

一王而定新裁者謂何司馬  
氏云劉離為朴存其體而  
已此則余之不敢辭

順治壬辰夏四月

中議大夫知陽和府事今  
陞分巡河東兼管鹽法水

利兵備副侯東郡胡文燁

撰



雲中郡誌目錄

乾集

一卷方輿誌

序四

沿革

山川

二卷方輿誌

風景

風俗

坎集

疆域

星野

形勝

古蹟

封建

巡幸

三卷建置誌

城池

公署

坊表

學校

倉驛

橋梁

祀典

陵墓

四卷食貨誌

賦稅

丁役

物產

良集

五卷秩官誌

總督

巡撫

巡按

餉司

監司

守令

幕僚

教職

協將

都司

守備

六卷名宦誌

忠烈

功業

震集

七卷武備誌

兵籍

餉籍

守禦

征討

邊警

撫款

關塞

邊堡

烽埃

附民堡

巽集

八卷人物誌

徵辟

甲第

鄉舉

里選

九卷人物誌

忠義

孝友

卓行

離集

十卷人物誌

事功

文學

十一卷人物誌

貞節

十二卷外誌

僑寓

仙釋

逆變

災祥

坤集

十三卷藝文誌

碑記

兌集

十四卷藝文誌

題詠

跋二

雲中郡誌卷之一

大同府知府胡文燁

纂修

同知張國宗

通判陳禹謨

通判謝祖悌

推官劉宏譽

應州知州岑紹祖

渾源州知州郎永清

蔚州知州

朔州知州胡養忠

大同縣知縣王度

懷仁縣知縣劉三章

山陰縣知縣趙民善

馬邑縣知縣徐明弼

靈丘縣知縣羅森

廣靈縣知縣范發愚

廣昌縣知縣卞為麒 校閱

舉 人丁大年

貢 生徐化溥

廩 生張元勳

李可大同校

方輿誌

沿革

屹屹雲中鴻名肇火帝王受命或更或否更否惟時與運推移邑不改并殿茲丕基誌沿革

古昔帝王之畧以疆土為首重故姬宗八百聿昭興滅之典而春秋城城必書允其無貶詞皆其急振舉者所以軫民社而廣幅幘大同倏丁戊子之變

國威赫濯淪墟瀝者幾三年所賴

聖明在宥忠藎上達議以亟講生聚次第舉行自是而

往勅勞集于中澤安堵并造典籍重光矣

### 雲中郡

唐分天下為九州地屬冀帝命重黎之後和叔來宅  
虞帝命禹來治水始冀帝以冀廣乃析冀方為幽并  
三州時地屬幽 夏地屬冀 商封同姓為代子地  
屬冀 周分天下為九州地屬幽 春秋為北狄所  
居代子僭號為王 趙襄子滅之地屬趙 顯王三  
十六年趙築長城從代西抵嵐州以備三部 赧王  
十五年趙置雲中九原代郡武靈既破樓煩林胡攘  
地北至燕西至雲中九原皆置為郡 按雲中舊城在  
勝州榆林縣東

北九原舊地在大同西北即唐改豐州者趙復築長城自代並陰山至高

關為塞 陰山在朔州塞外高關在五原北兩山相對如關甚高

秦平天下分為三十六郡置雲中郡使蒙恬因燕趙

之舊大築長城備邊二世二年趙成都君張敖來畧

### 代地

漢高帝二年左丞相韓信來定代地三年置代郡十

一年遷代于晉陽以代邊數被寇遂使代王恒遷都

晉陽未幾復置代郡更屬幽州 十二年分雲中地

置定襄郡 元朔二年改九原郡為五原郡 五原地即今廢

豐州 建武十三年省定襄郡徙其民于西河 二十

年省五原郡徙其民于河東 二十七年復置五原

定襄郡帝命大尉趙憙畫邊防長久之規憙上言復

緣邊諸郡從之 永和五年徙朔方來治五原自吾斯等

止車紐為單于帥諸部攻破虎牙營殺上郡都尉元寇涼并幽冀乃徙朔方郡 建安二十

年併雲中五原定襄朔方郡為新興郡時諸部大擾四郡吏民分

散乃省諸郡合為新興魏王曹操之規置

晉建興元年代公拓跋猗盧城盛樂平城及新平城

咸康三年代王拓跋翳槐城新盛樂四年代郡降

于後趙 五年代王拓跋什翼犍復遷于雲中 太

元十一年代遷于盛樂 隆安二年魏主拓跋珪定

都于平城

宋永初二年魏城平城郭周迴二十二里 景平元

年魏築長城

梁天監三年魏主恪築九城用僕射源懷議視恒代

要害可置戍者量其高下大小城之 十六年魏主

詡城五原 普通五年魏改懷朔鎮為朔州 大同

元年魏置北靈丘郡即今蔚州 紹泰元年齊築長城

陳太監十二年周置蔚州此蔚得名之始

隋開皇五年改肆州為豐州復置定襄郡 七年築

長城 十九年築大利城于朔州以居突厥 大業



三年築長城役丁男百餘萬築城西距榆林東紇河

唐貞觀四年置定襄雲中都督府 永徽元年置單

于都護府 三年徙瀚海都護府于雲中 開元十

一年改雲朔蔚代諸州屬河東道 十三年置橫野

軍于蔚州東北治安邊縣 天寶三年城大靜邊徙

清塞橫野軍實之又併受降振武為一城是後邊塞

少寧十二年置天安軍于大同川之西大同川在豐州北

元和八年徙西受降城于天德軍振武河溢毀城李

吉甫請徙城天德軍李絳盧坦曰受降當積口據要

衝守邊利地欲避河流不過退徙數里奈何省一時

之費以贖萬世之策無故而感地二百里帝不聽卒

徙之 會昌元年初置大同道雲朔蔚應諸州罷屬

河東 中和元年以雲朔諸州屬鴈門道 四年分

雲朔二州屬河東道

後唐天成元年置彰國軍于應州 三年置寰州治

馬邑 清泰三年河東節度使石敬瑭割山後諸州

賂契丹地入契丹

宋開寶三年命防禦馬仁瑀畧山後地 雍熙二年

命都部署田重進等取諸州克之師還復陷於契丹

陸大同府為西京 宣和四年金以其地歸宋置朔

寧軍隨陷於金 嘉定三年元木華黎敗金留守胡沙虎遂取雲朔勝豐

元至元二十五年改雲州爲大同路後復陞爲西京至大元年置蔚昌府

明洪武元年右丞相薛顯參政傅友德取大同尋復陷二年副將軍常遇春取之都督汪興祖取武朔州三年指揮金朝興取東勝州 五年置山西行都指揮使司 七年改大同路爲大同府隸山西布政使司置四州七縣州曰渾源應朔蔚附郭縣爲大同外懷仁山陰馬邑廣靈靈丘廣昌 十年城蔚州指揮

周房董役規制壯麗甲于諸邊 二十五年置大同

東勝諸衛鎮城五衛東勝六衛城定邊鎮朔衛 三

十一年城陽和天城衛 宣德元年更蔚州衛屬萬

全都司 正統三年置威遠衛北倚遠邊南接朔州

最爲要害 十四年棄東勝時 乘輿播遷諸衛什

伍虜耗時患擁逼遂徙衛于內棄東勝地 天順二

年城聚落高山 成化十五年置左右衛儒學 十

七年城平櫓衛 十八年置天城陽和衛儒學 二

十一年築長城起大同中路至偏頭關界六百里城

井坪總督尚書余子俊言威遠至朔州七百里寇入

兵力不相救此山西轉運必經之路宜于適中置所築城以通警急詔從之邊塞稱便 嘉靖三年城紅寺五堡 五年置威遠平櫓衛儒學 十八年城弘賜五堡總督毛伯溫慨鎮北不立屬堡斥堠鮮施乃出塞規視相地險易立鎮邊鎮川鎮河弘賜鎮櫓五堡三月而工就號曰北路 二十二年鑿長塹總督尚書翟鵬上言大同五堡既立北邊少事溝壘之險獨不施於五堡之東西乎乃自鎮邊堡東至陽和自鎮河堡西至老營堡鑿爲長塹遂于塹內城滅櫓靖櫓破櫓威櫓寧櫓五堡後復城滅狐破狐殘狐敗狐諸堡布列塹內 二十四年城鎮羌四堡巡撫詹榮又於弘賜諸堡之北添設以相犄角共築鎮羌拒墻拒門助馬所謂塞外四堡 二十五年築長城補故創新凡三百餘里 二十六年築長城自丫角山以東至陽和靖櫓堡舊長城不足據者悉增修如式 二十八年城外塞塞如偃月形東西皆附于舊塞暗門敵樓如制

國朝輿畝規制一如明代

歷代外考

附北地  
來居

漢宣帝甘露元年單于呼韓邪入朝自請

願留居光祿塞下矢志保受降城許之命董忠韓  
昌將兵送之因留衛單于助誅不服贍給其穀米  
三萬餘 光武建武二十五年居烏桓于塞內二  
十六年遣中郎將段柳授南單于璽綬入居雲中  
柳將兵衛護之二十七年徙南單于部于西河美  
稷 獻帝建安二十一年議者以南單于部久居  
塞內與編戶同而不輸貢賦浸難禁治單于入朝  
魏王曹操遂留之鄴下使右賢王歸統其國分其  
衆為五部居北部于新興郡 晉穆帝昇平三年  
燕主慕容儁居北部賀賴頭于代郡平舒 武帝

大元十六年魏主珪居北部柔然于雲中 安帝  
元興元年魏居越勤莫弗部于五原 二年魏居  
尉遲部于雲中 梁武帝普通三年魏主詡居柔  
然于懷朔之北 元帝承聖二年齊主居柔然于  
馬邑川 隋文帝開皇十九年突厥突利入朝立  
為啟民可汗築大利城于朔州以居之 唐太宗  
貞觀四年既禽突厥頡利降其衆十餘萬盡居之  
內地于豐勝靈夏朔代之間 憲宗元和三年居  
突厥別部沙陀朱邪盡忠于五原其人勇而善鬪  
每為回訖所苦故盡忠與子執宜率衆內附後以

五原近回紇遂徙之定襄賜國姓

論曰中外之界屹限乎南北乃或利其兵力或徂其哀詞得以居處內地統論之其來舊矣曹置五部晉封索頭唐納沙陀始曷嘗非權宜之計而根深盤固甚且南北單于大起吞噬寃為生民之擾是在統一區宇者駕馭有方俾各得寧輯焉爾

大同縣

周大同川地 秦置雲中縣 漢為鴈門郡平城縣

地 魏為新興郡 北齊為襄陰縣 隋為雲內縣

屬馬邑郡 唐貞觀中為定襄縣開元間改為雲中

縣 遼析雲中置大同縣 金元仍舊 明因之

國朝順治六年議移西安附郭遼遠于府治詎体耶亦

權宜云爾 九年復還大同

懷仁縣

秦雲中縣地 漢為沙南縣屬雲中郡 隋初為雲

州地大業間置大利縣屬定襄郡 唐屬雲中 遼

始析雲中縣地置懷仁縣 金陞為雲州 元復為

懷仁縣屬大同路 明仍調安東中屯衛後所守禦

朔州

朔州

秦代鴈門二郡地 漢為馬邑縣屬鴈門郡 魏為

新興郡地 晉置新昌郡 後魏置桑乾神武二郡

又於定襄故城置朔州 北齊改神武為太平改桑

乾為廣寧 隋改州為馬邑郡治鄯陽 唐置朔州

後唐陸振武軍 遼為順義郡 金仍為朔州

元屬大同路 明仍舊置朔州衛

國朝因之

馬邑縣

秦漢屬鴈門郡 北齊屬廣安郡 後唐置寰州治

寰清縣 遼為馬邑縣 金置固州 元州廢縣存

明仍舊置千戶所守禦

國朝因之

應州

古唐國屬代後屬趙 秦漢為陰館縣 後魏屬神

武郡 後周郡廢置陰城縣 唐為金城縣後改應

州以龍首鴈門二山南北相應故名 後唐置彰國

軍節度 元復為應州 明仍舊置安東中屯衛

國朝因之

山陰縣

秦鴈門郡陰館縣地 後魏屬神武郡 隋置神武

縣 唐屬馬邑郡 遼置河陰縣屬應州 金置山陰縣 元併入金城縣尋復置為山陰縣 明仍舊置千戶所守禦

國朝因之

渾源州

戰國屬代後屬趙 秦屬鴈門郡 漢為平舒亭二縣地屬鴈門代二郡 隋為平冠縣 唐為渾源縣 因八水合而渾流故名 金陞為渾源州 元初改為恒陰縣隸西京至元間仍為渾源州 明仍舊調安東中屯衛中前二所守禦

國朝因之

蔚州

春秋屬晉 戰國屬代後屬趙 秦置代縣 漢封代王於此為代國 後魏置懷荒禦遠二鎮 東魏為北靈丘郡 後周為蔚州 唐初沒於突厥破突厥復為蔚州又改為安邊郡治興唐縣 五代改興唐縣為靈仙縣 遼置中順軍 金元皆為蔚州治 靈仙縣 明洪武四年省靈仙縣入置蔚州衛衛屬宣府

國朝因之

廣靈縣

漢代郡延陵縣地 後魏為懷荒禦遠二鎮 隋屬

上谷 唐為安邊縣地後改安邊曰興唐屬蔚州

後唐置廣靈縣 遼金元皆屬蔚州 明仍舊

國朝因之

靈丘縣

漢屬代郡因趙武靈王所葬故名 隋初以縣屬蔚

州後屬鴈門郡 唐復屬蔚州 金置成州 元為

靈丘縣 明仍舊

國朝因之

廣昌縣

古飛狐口 秦漢為廣昌縣屬代郡 東漢屬中山

國 隋為飛狐縣屬易州 宋為飛狐軍 金元因

其地東南涑水所出又名涑原郡 明為廣昌縣屬

蔚州置守禦千戶所所屬宣府

國朝因之

論曰大同幽并之咽喉世世為中國重自時有變

遷名有因革窮詰古昔犁然可按帝堯經營和叔

來宅崇伯治水故堤纍纍神禹繼之恒衛乃從湯

既放桀爰立代子則代昉自商也秦併天下因燕

趙之舊置雲中郡則雲中昉自秦也炎漢之盛威



加殊俗式廓最宏興午德衰西北板蕩李唐季世  
遂失河北敬塘謀逆乃割燕雲宋敗陳谷遂不能  
窺太原尺寸比契丹移牧燕山改雲州爲大同府  
則今名自遼昉也金元因之至明而設府置帥遂  
稱重鎮

國朝一仍前代順治六年緣逆變暫鎮于陽和屬隸如  
舊考而鏡之固古今興革之大較也

### 方輿誌

#### 疆域

記里何鼓郵表何壤此疆彼界尺土不爽相彼鄰

侯圖書先訪無事輜軒犁然指掌志疆域

### 雲中郡

東至保安州深井界三百六十里西至右衛黃土山

墩二百五十里南至鴈門關二百四十里北至長城

一百里廣六百餘里輪五百餘里至京師七百里餘

趙爲雲中九原代三郡東至燕上谷界西至秦界南

至鴈門界北至長城廣九百里輪四百里

漢爲五原雲中定襄代四郡平城一縣東至上谷郡

界西至朔方郡界南至鴈門郡陰館縣界北至長城

五原郡治五原縣屬城十五曰九原曰固陵曰稠

陽曰臨沃曰文國曰河陰曰蒲澤曰南興曰武都曰  
宜梁曰曼栢曰成宜曰莫黜曰西安曰陽河

雲中郡治雲中縣屬城十曰咸陽曰陶林曰犢和曰

沙陵曰原陽曰沙南曰北興曰武泉曰陽壽 定襄

郡治成樂縣屬城十一曰桐過曰武都曰武進曰襄

陰曰武臯曰駱曰安陶曰武城曰武要曰定襄曰復

陸 代郡治代縣屬城十七曰桑乾曰道人曰當城

曰高柳曰馬城曰班氏曰延陵曰狝氏曰且如曰平

邑曰陽原曰東安陽曰參合曰平舒曰靈丘曰廣昌

曰鹵城 平城縣別屬鴈門郡此漢之四郡也今四郡之地惟代郡定襄

在版圖雲中即所棄東勝地五原即豐州地唐居突厥於舊部已非復趙漢之疆

晉為新興代二郡平城馬邑二縣四至與漢同

後魏恒州代析十九郡東西南至與漢同北至大磧

隋為五原馬邑定襄三郡靈丘飛狐二縣東至涿郡

懷戎縣 西至樓煩郡界南至鴈門郡界北至長城

廣七百餘里輪五百餘里 五原郡治九原縣 馬

邑郡治善陽縣 定襄郡治大利縣

唐為雲中馬邑興唐九原四郡單于瀚海二都護府

東至媯川郡西至樓煩郡南至鴈門郡北至長城

後唐為雲朔蔚應寰五州天德軍東至媯川西至嵐

州南至代州界北至契丹廣六百餘里輪三百餘里  
遼爲西京大同府豐雲內蔚應朔武東勝七州天德  
一軍西至河東至奉聖州南至宋分水嶺北至長城  
大同府治大同縣屬城六曰雲中曰天城曰長青曰  
奉義曰懷仁曰懷安豐州治富民縣屬城一曰振武  
雲內州治柔服縣屬城一曰寧人 蔚州治靈仙  
縣屬城四曰定安曰孤狐曰靈丘曰廣昌 應州治  
金城縣屬城二曰渾源曰河陰 朔州治鄯陽縣屬  
城二曰寧遠曰馬邑 武州治神武縣 東勝州治  
榆林縣屬城一曰河濱 天德軍治中受降城屬城  
一曰寧邊州 金因之

元爲大同路錄事司渾源應朔豐東勝雲內蔚七州  
東至保安州界西至武州南至代州北至大磧廣八  
百餘里輪五百餘里 錄事司治大同縣屬城四曰  
白登曰宣寧曰平地曰懷仁 渾源州治渾源縣  
應州治彰國軍屬城二曰金城曰山陰 朔州治唐  
馬邑屬城一曰鄯陽 豐州治天德軍屬城一曰富  
民 東勝州治唐所徙東受降新城屬城一曰東勝  
縣 雲內州治中受降城 蔚州治忠順軍屬城五  
曰靈仙曰靈丘曰飛狐曰定安曰廣靈

雲中郡總圖

平遠堡

東

承慶

李家寨



北

南



雲中郡圖

採涼山

代諸墓

馬舖山


孤山

御河

柳巷寺

水磨河

北嶽廟



大教場

關

郡城

雲中

東關

河神廟

五岳廟

馬舖

恩

關


關

王皇閣

南王國

石佛寺

石佛寺



雲中郡屬圖



和陽

聚落

古

定古  
駟

渾源  
州城

廣靈  
縣城

蔚州  
城

靈丘  
縣城

廣昌  
縣城



雲中郡

祁皇墓

石窰泉

十里河

西安  
堡

桑乾河

應州  
城

懸空寺

新營

同雲  
堡

懷仁  
縣城

禪刀山

石井山

飛毫山

洪濤山

馬邑  
縣城

龍池

山陰  
縣城

朔州  
城

武寧  
關

龍門山  
佛山

鴈門山

雲山

皇山

千夫山  
天井山

飛鳳山

加斗山

永寧山

龍泉山

大白山

應道山  
臨門山

花山

恒山

翠屏山

山

山

山

山

山

白石山

大同縣附郭

編戶二十六里東至洪州界西至右衛東望庄南至應州張家庄北至猫兒庄廣輪皆二百一十里

懷仁縣屬府

編戶九里近裁為八里在府西南七十里東至大同縣新橋西至清涼山南至趙家疇北至大同縣苟家寨廣四十五里輪六十五里

渾源州

編戶一十一里在府西南一百二十里東至廣靈分水嶺西至應州羅家山南至靈丘縣蔡家峪北至大同甕城口驛廣九十五里輪一百六十里

應州屬縣

編戶二十里在府南一百二十里東至渾源州羅家庄西至山陰縣潘名庄南至繁峙縣茹越嶺北至大同縣三山門廣七十五里輪八十里

山陰縣屬府

編戶七里在州西六十里東至應州長樂村西至馬邑縣新村南至代州佛宿山北至懷仁縣黃花嶺廣五十二里輪七十五里

朔州屬縣

編戶八里在府西南二百八十里東至山陰縣新村  
西至太原府蕎麥川南至太原府崞縣段家舖北至  
大同左衛屯田所馬邑河廣一百四十里輪二百里

馬邑縣屬朔州

編戶八里在州城東四十里東至山陰縣新村西至  
州七里河南至鴈門關界北至洪濤山廣七十三里  
輪七十五里

蔚州屬縣三

編戶一十六里在府東南三百五十里東至保安州  
美峪口西至渾源州亂嶺關南至唐縣石臼村北至

懷安衛神仙口廣二百三十里輪二百九十里

廣靈縣屬蔚州

編戶八里在州西六十里東至州蘇家疇西至渾源  
州亂嶺關南至靈丘縣義泉嶺北至大同縣樺澗嶺  
廣一百五里輪一百里

廣昌縣屬蔚州

編戶四里在州東一百五里東至直隸易州石橋林  
西至靈丘縣白陽舖南至直隸唐縣石臼村北至州  
里石嶺廣一百一十里輪一百四十五里

靈丘縣屬蔚州



編戶一十里在州西南一百六十里東至廣昌縣馬  
嶺舖西至渾源州蔡家峪南至直隸阜平縣鐵嶺口  
北至廣靈縣義泉嶺廣八十里輪一百九十里  
論曰回疆分野本九州鑄鼎之義而周禮備列職  
方制秩秩也雲峙鴈北一垣龍荒包括無外四州  
七縣以暨衛戍邗落歷歷天府之雄卽時值遷轉  
規畫萬禩不改悉延袤而詳載之非獨稽道里之  
遠近幅幘之廣猛所以明職守而奉版章者端在  
此矣

方輿誌

星野

俛彼雲漢玉繩亓耿河岳精華垂垂如環蓬容不  
著天矢夜炯盛世之瑞景卿勒卽志星野

恒山入昴五度

大同正屬恒山

自胃七度至畢十一度爲大

梁


大梁爲趙大

雲中入井二度昴畢正趙之分野而

各星所主且與地方人事相紊合大同之占畢昴固  
不易之說也

又天原發微曰析城王屋太行恒山碣石西傾朱圉  
其次曰大梁析水以負北海神主恒山日辰星此以  
補纏次之遺

昴宿圖




步天歌曰昴七星一聚實不少阿西月東各一星阿  
 下五黃天陰名陰下六烏芴藁營營南十六天苑形  
 河中六星名卷舌舌中黑點天諛星礪石舌旁斜四

丁

昴十一度下為日月中道天之耳目也又為旄頭主  
 邊外大而肅動若跳躍者邊外大兵起一星獨動欲  
 犯邊榮惑守其北燕趙兵起太白守之邊外兵動天  
 河一星在胃東月一星在昴東主女人災福天陰五  
 星在畢柄西主從天子弋獵之臣天苑十六星在昴  
 畢南如環狀天子之苑囿養禽獸之所也芴藁六星  
 在苑西以供苑養也卷舌六星在昴北天諛之外主  
 口語以知讒佞天諛一星在卷舌中主醫巫礪石四  
 星在五車北主磨礪鋒刃

畢宿圖



步天歌曰畢恰似瓜又八星出附耳一星畢股光天街兩星畢背旁天節耳下八烏幢畢下橫列六諸王王下四阜天高星節下團圓九城城畢口斜對五車

口車下三柱任從橫車中五箇天潢精潢畔咸池三

黑星天關一星車脚邊參旗九箇參車間旗下直建

九旂連旂下三十鳥天園

畢十七度主邊兵弋獵其大星曰天節一曰邊將主

邊外之尉也明大則遠方來貢失色則邊兵亂動搖

則邊兵起木犯有軍功張衡曰畢為天馬昂畢間二

星曰天街主國界街南陽國中夏街北陰國邊外也

金火守之邊外兵起附耳一星在畢下主聽得失星

明盛則中國微有盜賊邊堠警動移則讒佞行兵大

起邊尤甚天節八星在畢南主使臣之所持也諸王

六星在五車南天潢之中主宗藩天高四星在參旗西北近畢此臺榭之高主遠望氣象不見官失守五車五星三柱九星共十四星在畢東北五車主天子五兵西北曰天庫主太白秦也次東北曰天獄主辰星燕趙也次東南曰天主歲星魯衛也中央曰司空主鎮星楚也次西南曰卿主熒惑魏也五星有變各以其所主占之又鎮星舍五車燕趙大旱三柱一曰三泉一曰休一曰旗五星明柱皆具則倉廩實不具則國絕食天潢五星在五車中主河梁津渡咸池三星在天潢南魚圉也天關一星在五車南畢西北亦曰天門主邊塞事參旗九星在參西五車之間天旗也明而希則邊警不動流星入北地兵起玉井西南九星曰九旂天子之旗也主邊軍進退金火守之兵亂起天苑之南十三星曰天園植果菜所也

按昴七星曰髦頭邊外星也畢曰罕車爲邊兵爾雅曰濁謂之畢故掩兔之畢或謂之濁因以各星蘇竟曰畢爲天網主網羅無道之國武王伐紂求助于畢是也昴畢同宮曰大梁之次大同趙北郡在天街之南是爲陽國其正占畢昴無疑論曰羲和命而象緯明璿璣具而七政齊保章設

而九土辨一行云星之與土以精氣相屬各隨其所至而應驗之此知分野之若桴鼓是以望劍氣而識豐城之光宴太丘而慶賢人之聚有由然也聖人神道設教觀天文以察變理固不容舛矣

方輿誌

山川

雲帶其腰雨濯其足源源而來委委而屬空靈之秀人物之毓鹿塞龍潭山高水綠志山川

雲中郡

遡原起陽和

舊鎮雄山多源于陽和之白登山又伏鹿山而西爲

陽和之斷頭山採掠諸山是其西南而迤邐者至于翠屏當面如幃抱城相傳爲雲門山關中張司馬名書鐫石巋然北臺者是也及考遼志青坡山在長青縣梁元帝橫吹曲云朝跋青坡暮上白登則此山之爲青坡山居多 水則從邊外來舊志云威寧海在城西二百二十里遶北而東者乃其發源也又馬邑河從西北山鑿石引出城北東流萬錦灘園圍皆其灌溉焉

伯與云 大同之山脉自太行而來由鴈門入應州更東至渾源乃突岫而起爲恒山逶迤而西而南爲廣

靈蔚州之留老山倒刺山而六稜雄于廣靈源于應  
州之龍首西爲鎮城之方山南垂爲採掠白登山歷  
右衛馬頭丫角以入偏頭而漸達于牛灣黃河此則  
山之大勢也

雷公山 城西北一十里有雷公廟及龍亭阜禱輒  
應 武州山 府城西二十里武州川水出焉 七峯

山 城西南四十五里又名玉龍山有石洞天橋

盧胸山 在五原見漢書 緣胡山 在禎陵縣見

漢志 紇真山 城東北五十里其山冬夏積雪唐

昭曰紇真山頭凍殺雀何不飛去生處落郎此 神

山 城北四十里 七寶山 城北四百餘里古豐

州境山下有古城相傳爲漢五原郡或云金人所築

黑山 城西北四十五里古豐州境與雲內州夾

山東西相連 石碌山 城西北五百里故平地縣

東四十里山出石碌 官山 城西北五百餘里古

豐州地山上有九十九泉流爲黑河 焦山 城東

一百八十里 朝那山 牛頭山 張仁愿受降城

所置堠處朝那一名牟那 呼延谷 有歸唐柵車

路 雙山 城西南一百三十里 雙化嶺 有二

一在府西三十里磐踞百里餘世傳有二僧共化于

此故名嶺西有古寺蹟一在朔州西 南山 有二

一在應州西四十里接山陰界一在右衛南四十里

威遠衛東三十里名大小南山 採掠山 城東北

四十里其山多出藥材上有採掠大王廟及採掠觀

牛皮嶺 城東六十里有牛皮關 高山 城東

八十里 豐稔山 城東一百七十里 牛心山

有二一在府城西南一百八十里一在府城北一百

九十里 勝山 城西南二百三十里 三寶山

城北一百七十里 彌陀山 城西北九十里上建

關王廟 禪房山 城西南六十里上有寺塔皆創

自遼 白登單于臺 按白登因漢高之被圍

漢武之自將待邊後世遂皆名白登一在城東七里

一在城北百餘里屬陽和大都城北者漢高帝之古

蹟 拂雲堆古磧口 在豐州有王昭君青塚 方

山 城北五十里有拓跋魏二陵俗傳岐王墓 奚

望山鬪雞臺 在大同見金志以上竝 府城 清

涼山 在懷仁縣城西二十里山有輓塔及有利國

鐵冶 錦屏山 城西南二十五里山舊有窰窰及

鐵冶 金龍山 城西南三十五里有泉與馬邑金  
龍泉相通 團山 城西北三十五里 樓子山

城西一十五里 大峪山 城西南十里南通鴈門  
等關西通左右衛諸城堡向議築城未就 小峪山

城西南四十里 石井山 城西十里 黃花嶺

旁有金仙洞懸石如樓殿並懷仁

恒山 在渾源州南二十里即北嶽也初入山迤邐  
而上有步雲路翠雪亭其巔最高處名天峯嶺嶺下  
建北嶽觀觀側有飛石窟前有虎風口東南五十里  
有潛龍泉禱雨輒應能愈疾東有夕陽岩通玄峪碧  
峰嶂東南有果老嶺白虎峰北有琴棋臺會仙府聚  
仙臺得一菴又東北有白雲堂望仙嶺東半壁有集

仙洞東北有紫芝峪西南有石脂圖諸勝 栢山與

恒山相連多栢故名 翠屏山 恒山之南其秀麗

如翠屏 五峯山 州東五峯如削 畫錦山 城

西北二十五里元公孫亮由御史仕至尚書而還故

名 封龍山 一名龍山州西南四十五里夏時雨

過山氣上騰如虹東北有惠嶺秀麗可愛下有黑龍

池雲氣上昇即雨其東有五峯山上有三陽洞皆為

勝槩金末李治元好問張德輝常遊此山時號龍山

三老 玉泉山 在封龍山東北五里形勢相連上

有泉潔如玉 玉華峯州南十里峯巒秀麗形如削



玉郎恒山之左 馬鞍山 州城西北與畫錦相連

龍角山 州北二十五里其形如角故

名 孫贖山 州東南六十里因上有孫贖寨故名

西麓有龐涓寨相距數里南麓有千佛洞皆鑿石而

成 鳳凰山 源渾州西北七里其形如鳳神溪之水發

源於麓明秀可愛吳伯與評畧云八山旋而環繞據

此馬鞍龍角不在內並渾源

龍首山 在應州城北延袤千里比為山首山之南

跨雲中 鴈門山 州城西南北與龍山相望故州

以應名 雲山 城東南四十里 茹越山 州南

三十里壁列如屏所謂南山之麓林木深秀內多幽

境 翠微山 東南三十里 龍灣山 州西南四

十里上有龍池旱禱多應西南是茹越嶺連繁峙縣

界 香峯山 在茹越口龍灣之南上有香峯古寺

及石甃井並應州

佛宿山 在山陰縣南三十五里金玉拱碑云文殊

大師留宿處山下出水名何家泉又名覆宿山 黃

花山 縣北四十里 龍門山 縣南三十里亦名

隘門上有射御臺後魏文成帝嘗射于此有碑記其

陰刻從臣姓名 樺皮岩 縣西南四十里石潭滴

水旱禱有應 竝山陰

翠峰山 在朔州西南七十里東連石碣峪北接馬

驥山道通寧武軍山口西至陀羅臺山磐踞二百餘

里山陽有石洞中有石佛 蔣山 州西南八十里

燕京山 朔州南一百二十里一名管涔山上有天

池汾水出焉 東靈山 州西一百餘里舊武州地

金簫融爲州刺史嘗於此山建臺亭以時遊眺 神

武尖山 州東南一百里即武州山之別峯也賀拔

氏宗族居於此 元姬山 州北魏道武侍姬李氏

善謳卒葬此故名 牟那山 州北三百里隋大同

城舊墟在此近耳崧城及秦長城 天德山 州北

漢李陵自居延行至天德山遼太祖平党項遂破天

德皆此 夾山 州北三百四十里遼主天祚避女

直奔夾山即此 三答巍山 州西北二十五里山

半有泉旱禱輒應正統間居民爲建祠 契吳山

州東北五十里與洪濤山連 玉屏山 州西北六

十里西接襄山金季純甫居此 賀蘭山 在州南

即賀人非寧夏之賀蘭 彈子山 州城北八十里

黑梁山 州西北三十里獨出群山之表豐王墓

在其上 另山 州西北六十里 苗家山 州東

北三十里石磴崎嶇僅通人行 龍虎山 有唐尉遲恭墓並朔州

洪濤山 在馬邑縣城西北十五里一名潔頭山灑

水出焉七泉湧流俗名濤泉 紫金山 縣南五十

里高二十餘里綿亘數百里 雷山 縣北十餘里

太和嶺 縣西南五十里西北有楊六郎寨基址

猶存 筆架山 縣南五十里 余觀谷 金執遼

主延僖處竝馬邑

九宮山 在蔚州城東三十里金章宗避暑於此因

號九宮山道通易州金置巡校司 高是山蔚州西

北七十里滋水出焉其東三十一里有枚迴嶺山麓

相接 倒刺山 州西七十里一名雪山 襄山

州北八十里西接應州 太白山 有二一在州東

南三十里多奇石旁有石洞產紅土可作印色相傳

周穆王乘八駿至此馬斃其血化爲土其一在靈丘

縣南二十里山有鍾乳穴穴中乳滴如懸穗然末寧

山 州東南五十里金章宗遊獵嘗駐此 人頭山

州北一百二十里以形似名 松子山 州東南

六十里多松實 麻田山 州東南七十里內有王

喜兒仙人洞其內多種麻故名並蔚州

千夫山 在廣靈縣城西北五里相傳前代遣千人  
 取花斑石祭禱而後取今神祠尚在縣民祈福於此  
 故又名千福山 加斗山 縣東南二十里有地城  
 形蹟猶存 天井山 縣西南二十里有天井寺故  
 址寺有井深五六尺雖旱不竭 九層山 縣西北  
 二十五里上有九層崖 石梯山 縣西二十里有  
 石磴陡絕似梯 直峪山 廣靈縣西南十五里下有小  
 河注壺流水 平頂山 縣北三十里 巧八山  
 縣北三十里其山居中四圍七山相向東南十五里  
 有滴水崖泉脉自穴中出滴水成池 牛欄塢山

縣北三十里其山週圍有石欄 老山 縣東北三  
 里其山皆石 林管山 縣西南四十里下有泉入  
 壺流河 尾房山 縣東北四十里形如尾屋 莖  
 山 縣東北四十里其山產樺上有三分紫 白羊  
 山 縣西五十里上有白羊寺遺址尚存 望狐山  
 縣西五十里世傳有神人引狐入山故名 壺山  
 縣東南一里平地一山下有亂泉湧出與壺流河  
 水合流上建豐水神祠 玉峯山 縣南一里兩峰  
 突出如剝玉世傳仙人採芝於此今石上有足跡存  
 焉 鞍子山 縣西三里二阜相連宛若鞍形 社

臺山 縣西南隅石崗如臺上建龍王廟土人季夏  
饗賽於此 飛鳳山 縣東北二十五里 黃龍山

縣西三十里昔有黃龍見故名 六稜山 縣西

七十里其山前後各垂三稜 臨灌山 縣西南四

十里上有石夾流泉數里以資灌溉 留老山 城

南二十里昔元吉棄父於此其子元孝諫而載歸故

名 火燒嶺 縣西北五十里竝廣靈

隘門山 在靈丘縣東南三十里壁立直上極為險

隘澹河經行處後魏於此置義倉宋設關防以稽行

旅 聖水山 縣西北三十里山下有泉天旱取水

禱雨輒應 狐山 縣東十八里 花山 縣西北

十二里春花賽開故名 惡道山 縣東北二十里

險峻難行故名 龍泉山 縣東北二十里下有泉

三山 縣東二十五里三峯巍峙 太白巍山

縣南二十里其山極高峻迴繞十八盤雪積春暮不

消 銀釵嶺 縣東二十五里兩旁高山峙立相傳

妲已過此墮釵故名並靈丘

香山 有二一在山陰城縣南三十里一在廣昌縣

西南十五里上有古寺松栢葱鬱花木繁盛香氣遠

聞號勝境焉 白石山 在廣昌縣南二十五里有

谷名白石口路通保定府唐縣 七山 縣南三里  
七峰相連 登梯山 縣西南四十里直上如梯又  
名登梯嶺 黑石嶺 縣北五十里上多黑石 雕  
窩崖 縣東六十里舊有銀洞今塞 驛馬嶺 縣  
西五十里相傳廼已到此死驛馬故名 插箭嶺  
縣東南三十里相傳宋楊彥朗插箭於此 鐵嶺  
縣東四十里砂石似鐵並廣靈

盆山 在天城衛城東十里其形似盆故名上有石  
洞 神頭山 城東南六十里其山尖峯供出望愈  
遠愈高 晚霞山 城東南日落晚照霞彩燦然故

之其形似蓮花又名蓮花山 孤峯山 城南二十  
里由平地起故名上有風神廟每遇大風不止祭之  
卽息 福祿山 城東北十里許 二郎山 城東  
北十五里上有一泉不涸不盈取之不竭上建二郎  
廟遇旱祈禱輒應並天城

楊鐵山 在右衛城西南二十里 黃家山 城西  
北十里 邊家山 城西南二十一里 聖山 城  
西三十里 平桓山 城北三十五里 大青山  
城西五十里 玉林山 城西二十里 黃土山  
城西五十里 東團山 城西三十里俱右衛

紅山 在平櫓衛城北三十里土石絕紅乃是古名

磨兒山 城西北五十里山形險峻周環如磨又

古今用武之地昔單于把禿王與漢兵轉戰數日於

此今建以廟傍有碧峯古洞幽邃人莫敢入 中平

山 城西北五十里 石山 有二一在府城東北

一百八十里一在左衛城東六十里 吳二山 在

威遠衛城西 西平山 平櫓 城西北五十里

呂公山 城北四十里 小青山 城西北十三里

並平櫓

又考之丘家嶺 在府城西北三十里 野狐嶺

府北二十六里 拖皮嶺 府西十五里 傅家嶺

在左衛北五十里 啼哭嶺 左衛西北三十五

里 長安嶺 右衛城北二十五里 忙牛嶺 右

衛西二十里 紅土嶺 右衛東南十五里 盤石

嶺 右衛東四十里 太和嶺 馬邑縣東南六十

里嶺北口西山上有佳吉寨宋楊將軍屯兵之所

飛狐吸 即常山之支 磨笄山 在蔚州一名馬

頭山紀有辨 最高峯 在平櫓衛總督翁公所名

俱域內山之可述者

雲中天下之脊地形極高故多上脉而少未流東

則爲御河源自境外從東北入口經得勝堡而南  
由府東門外折而南三十里與十里河水會注桑  
乾河西南爲十里河自西北四十里達府城南三  
十里與御河合襟并入桑乾其遠而與海通者則  
奄遏下水海黃河經金城故北地入五原雲中歷  
東勝武川州而南流平陽河東之西界若馬邑則  
有桑乾河東經山陰應州至大同縣界又東歷宣  
府之順聖西城堡保安州入居庸以達蘆溝入海在  
廣靈有滋水東經蔚州北達襄山東麓至宣府順  
聖東城合流桑乾又有嘔夷河與渾源滹水東南  
入倒馬廣昌有拒馬河東南入紫荆此則水之大  
畧也

水磨河 在府東門外 奄遏下水海 府西北二

百里水潮無常納大澗小澗大匯小匯四海及銀海

水諸細流 黃河 北自東勝州界而來歷廢武州

西北二百五十里南流入太原府保德州界 桑乾

河 源出馬邑縣北洪濤山下經山陰應州大同縣

界東南入蘆溝河又按水經其河源自太原汾陽北

下之天池伏流至朔州馬邑縣雷山之陽匯爲七泉

曰上源曰玉泉曰三泉曰司馬洪濤曰金龍池曰小



盧曰小浦七泉合而爲一是爲桑乾河 金河 在

古雲內州東南一百五十里西流入天瑞泊其泥色

似金故名 燕河 府西北四十里源自古豐黑峪

台西入雲內州東合黑河 黑河 府西北四百里

古豐州界源出官山由雲內州至東勝州入黃河

天瑞泊 在古雲內州之西 武州川 府南十五

里又名合河源出白羊山溪谷中 御河 源出府

東北開山口與得勝河兩源合流經府東門外金大

定中所立邊元中碑折而南民資灌溉與武州川水

會注桑乾河 金河泊 府西北五百里古東勝州

境上承紮河南流入黃河 兔毛河 府西二百里

駱駝山流過廢東勝州入黃河 君子津 府西北

五百古東勝州界漢桓帝時有大賈齋金行至此死

津長埋之其子尋父喪至悉以還之一無所取帝聞

之曰君子也遂以名 沙井 府西北四百里古豐

州其外即界壕古沙陀也 滄頭河 府西百二十

里威遠衛南鹽灤沒越灤 俱在城西四百里古豐

州界 葫蘆海 府北二百里以上並府 羊圈海

右衛城東南五里 三家川 衛北五十里 三

家河 衛北五十里小邊外 南大河 衛南二十

里 王石匠河 衛西南四十里 馬營河 衛北

五十里 南小河 衛南關近門 楊千戶河 衛

城南 簫官人河 衛西二十里並右衛

天河 天城衛南一里流至城北常泥濘不易過故

名 廖家河 左衛城自西遊東衿帶城北 湯旗

河 平櫓衛城西北三十里 姚趙二河 衛北三

十里流入滄頭河 細水河 井坪堡南十里並各

衛

上石井 懷仁縣西南一百里 下石井 縣西南

一百二十里 鎮子海 縣東一百五里週回三十

里西北有泉深不可測遇旱禱雨輒應 南河 縣

南五十里 雙井 縣城西南一百一十里相傳地

一丈湧泉一所今砌二井並懷仁縣

渾源川 在渾源州西南源出嘆土峪分流至州西

北匯為大澤西流入神溪 崞川 在州西南源出

應州安西鎮折而北注于桑乾河 寇水 州南七

十里西南入溫泉水溫泉出宜谷其水溫熱若湯浴

之能愈百疾 黑龍河 州城秀嶺之下雲氣晷不

三日即雨 神溪水 州北七十里中有孤石方畝

高丈餘有律呂祠周迴泉混出傍有受水池雖隆冬

不冰俱西南流 李峪山 州西南一十五里 乳  
泉水 州西二十里 凌雲口水 州西南三十里  
磁窰水口 州南十里東西分水引入城上並渾源  
金鳳井 在應州舊城內東北隅相傳晉王李克用  
生時有金鳳飛出故名

龍灣泉 州西南四十里 大小石峪水 俱自城  
南流至西舊城外合注桑乾河 渾河 州東二十  
里 唐泉 州東二十里冬夏長流傍有鎮國將軍  
唐鑑墓 聖泉 州東三十里北胡曠平地冬夏長  
流旱禱輒應並應州

沙家泉 在山陰縣 神泉 在山陰縣西北四十  
里一泉三眼水白而甘並山陰

灰河 在朔州城南三里源出寧武軍山口北流至  
洪崖村伏流十五六里湧出經城南至馬邑入桑乾  
河 居延川 州北雲內境一名居延澤漢蘇武嘗  
困於此 神池 州西南九十里東南有古城遺跡

七里河 州北七里源出洪濤山下流經酸刺村  
東南合灰河 泥河 州東七十里 寧邊河 州  
北二十里洪濤山之陽水連桑乾 聖水井 州西  
北三塔崑山下其水潦不溢旱不涸郡人遇旱祈禱

輒應並朔州

○灑水 源出馬邑縣城西北洪濤山即桑乾之源也  
漢書謂之治水水經謂之潦涓水 金龍池 在縣  
西北十里洪濤山下有水一泓深不可測嚴冬不冰  
後魏以來人傳池有二龍時化為馬一驪一黃遇天  
陰晦輒出民間之馬遇之生駒神駿或有角如鹿茸  
然 恢河 縣南五里叢源寧武山口北經流紅崖  
村伏流十五里至塔底村復出經朔州馬邑縣城南  
東流至庄頭村入桑乾河 黃水河 縣南二十里  
泥河 縣東北三十里 鄆河 縣東三十里

嘔夷河 源出渾源州東南五十里檢峯嶺至今峯  
口溝堂山之木自西北來合流東南經靈丘廣昌倒  
馬關定州界注魏河入海周職方曰絳州川曰嘔夷  
又名唐河並馬邑

壺流河 在蔚州城北二里源出廣靈縣壺泉自西  
南而來遶城北東南流入安定縣西界

沙泉形如壺

金河 州東八十里源叢五臺山其水映石如金內  
有臨洞水泉如盆酌之不竭注之不溢

七里河 州東七里 滋水 有一二在蔚州西南  
三十里南馬莊一名神水泉東北入壺流河一在靈

丘縣西南迴嶺懸流五丈湍激之聲震動山谷東流  
入唐河 乾河 州東南三十里源出太白山流二  
里出口四散灌溉民田數十頃入壺流河

渡口河 州東北九十里正德間巡按王時中築橋  
並蔚州 蓮花池 州東北六十里週圍一百五十  
步其水溫暖有荷花 湯浴泉 在五臺山內浴之  
可愈疾二泉一涼一熱

豐水 在靈丘縣東南平地一山亂泉湧出東流爲  
葫蘆水有豐水神祠在焉 作曠池 縣西方十畝  
其水潛縮中約五畝遇雷雨動作則水湧漲 集興

曠池 縣南十里其水清湛冬夏不竭注壺流河

壺流河 古名滋水源出廣昌縣西三十里沙泉  
山下水名沙泉東注合壺川山下水名神泉二水合  
流其形如壺故名經蔚州注順聖川入于桑乾 枕  
頭河 縣南三里其源出自翟家曠東注壺流河並  
廣靈

覺山井 在靈丘縣城東南三十里環堵皆山而井  
在其中深可三百尺 馱水 縣南十里俗傳僧畜  
驢馱桶自下山取水時人識之僧遂酌水注桶自馱  
而去 黑龍河 源出縣西四十里黑龍谷上建黑

龍神廟南入唐河 涑水 發源廣昌縣城南流入  
保定府易州並靈丘

木瓜澗 在廣昌縣唐乾寧間李克用計燕師劉仁  
恭遇戰於此 拒馬河 源出縣南三里七山下即  
涑水之源也相傳楊彥朗拒敵于此故名又云金章  
宗至此乏水見土色潤以鞭指得水穴馬跑飲之又  
名跑馬河流入紮荆關抵易州並廣昌

又考之白道泉 在府城北相傳即飲馬長城窟

石窟寒泉 府西三十五里石佛寺

三聖井 府城東一百二十里沈家窰俗傳元帝駐

蹕於此飲馬

湧泉 在天城衛西南角百步餘其水萬人用之不  
竭終年不用不溢

西澗泉 在平櫓衛西南一里滔滔湧出其濟無窮

乳泉 在渾源城西

灰泉 懷仁縣城東二十五里元大德乙巳夏大  
同地震有聲如雷懷仁縣城裂二所湧水盡黑漂出  
松栢朽木即此泉也

蒞泉 懷仁縣城後魏嘗以此名縣

楊泉 朔州城嘗有鯉魚化虹之異

小浦泉 在馬邑縣

玉泉 馬邑城西北上源泉之右上建龍王廟禱輒有應

上源泉 在馬邑西北雷山前距城十里

細盧灣泉 馬邑西北金龍池東相距里許

暖泉 在蔚州城西其水夏涼冬暖民資灌溉

金波泉 在蔚州代王故城其味甘美

海子泉 州北一百五十里隆冬不凍盛夏逾寒

飲馬泉 州西十里許父老云唐太宗飲馬於此後因名

白馬泉 靈丘縣城西北四十里舊傳漢文在潛邸時經此乏水白馬跑地得泉

瑞泉 廣靈縣城西五十里白羊山內瀑湍奔騰如

唾玉 石夾泉 縣西南五十里臨灌山其泉自石縫中突出

洒雨泉 縣西南五十里直峪山源從石孔中突出遇旱使衆婦人潑洒之遂雨其泉嘗灌田數十頃比注枕頭河東入壺流河

神泉 又名豐水在壺山下有泉百泓匯爲一池廣數畝碧光瀲灩四時遊人不絕

鴉兒泉 在縣西南四里鴉多飲啄于此中有古冰  
人感寒疾者取而飲之汗出即愈諺云壽民丹水

蒞泉 在縣西三十里泉半多蒞草故名壺流河源  
一斗泉 在廣昌縣城西北三十里九層崖

涑源泉 縣南半里東流合拒馬河入紫荆關

馬跑泉 縣南九十里俗傳楊彥朗統兵至此渴甚  
忽見白鹿射中馳追惟箭插地馬以蹄跑地泉即湧  
出北注唐河

又府有祁夷鴻鴈天城有天湖河右衛有石溫泉紅  
草泉東流泉三里泉左衛之肖畫河威遠之打魚河

豐州之鵬鵠泉百泉朔州之沙楞河懷仁之古鏡  
泉山陰之白泥河黃水河集興池廣昌之滴水泉鴉  
兒匯雜見其名道里莫考

論曰天地之氣結爲山融爲川其遠且大者歸乎  
巒拔岫淪統之而盡乎包蘊矣雲中山可指名者  
百餘大都祖于恒岳川可指名者百餘大都宗于  
桑乾然一面一眉宇連山而巒嶙可割其水而分  
湖可注標奇擅秀隨地拔尤則道子腹中正自不  
能不詳繪也



雲中郡誌卷之二

大同府知府胡文燁

纂修

同知張國宗

通判陳禹謨

通判謝祖悌

推官劉宏譽

應州知州岑紹祖

渾源州知州郎永清

蔚州知州

朔州知州胡養忠

大同縣知縣王 度

懷仁縣知縣劉三章

山陰縣知縣趙民善

馬邑縣知縣徐明弼

靈丘縣知縣羅 森

廣靈縣知縣范發愚

廣昌縣知縣卞為麒 校閱

舉 人丁大年

貢 生徐化溥

廩 生張元勳

李可大同校

方輿誌

景物

滴翠流霞川原歆媚坡草曷情群羊點綴姑蘇城

外山陰道內挹其芳潤鬱葱可繪志景物

雲中郡八景 各詩見藝文

鎮樓秋爽

在城西北角又名八角樓俗傳高鎮海眼

柳港泛舟

在城外東南傍塔寺綠岸青蒲稱勝槩焉

魏陵烟雨

係後魏宮垣在府城北門外

採涼集雪

在東門外十里近北代府諸陵歷列

寶塔凝烟

即在柳港寺內

雷公返照

在城西北十里上有龍亭旱禱輒應

鳳臺曉月

在府城內西北隅

石窟摩雲

在府西三十五里奇山妙水莊嚴極叢林之盛

陽和八景

附

重臺聳秀

陽和臺即就北城基而廣闊之上建玄帝宮城外

北去百步有北岳臺殿高與城齊遙遙相映

織錦飛花

織錦庄在城治西北密樹連陰繹絡數里

北岫攢雲

北山原名青陂山又名雲門山時有雲氣浮其頂

雲中群誌 卷二  
俗傳戴帽云

西岩積雪

虎峪之巔劈峽間四月猶有殘雪其清况可挹  
白登遺蹟

漢祖被圍處也白登村在城治南二十里外舊縣  
治在村之偏側每于陰晦時隱現

青龍惠水

山腰有石盆形其津漉而出者匯焉可足焚修之  
炊偏崖遍開黃花土人謂之金蓮花舊名鵬窟崖  
王大將軍石記今名云

神谷藏風

俗名風洞邊外去守口十五里山阜有穴邃不可  
測石牀半掩聽之烏烏有聲每年上戊致祀時苦  
風霾禱輒應

鑿石通渠

西山之麓係張氏別墅水自山後鑿來以資灌溉  
而原田每每花木森茂遂得稱名園

方輿誌

形勝

建甌者勢潰山者九一禦萬夫虎豹當關帝王之

實有基勿騫修德制勝卜世末年志形勝

雲中郡

評畧云陽和城郭之創自中山王規模宏敞雄甲諸鎮人險與天險俱乎又汪氏曰陽和天城之于保安如人有衣裘形體于是乎蔽

趙襄子曰從恒山上臨代代可取也乃踰勾注破并代以臨北邊按趙不併代則恒山之險與北相共故取則得專其險

蘇秦說燕文侯曰燕東有朝鮮遼東北有林部樓煩者有雲中九原南有滹沱易水又南有碣石鴈門之

饒北有棗栗之利此所謂天府也秦欲攻燕踰雲中九原過代上谷彌地踵道數千里秦之不能害燕明矣張儀說燕昭王曰大王不事秦秦下甲雲中九原驅趙而攻燕則易水長城非大王有也按雲中九

原爲秦趙必爭之地趙得之則西足以窺秦東足以庇燕秦得之非惟咸陽以後無虞燕亦可蠶食矣

張儀說楚曰秦地半天下席卷恒山之陰折天下之脊恒山爲天下之脊

趙武靈王諭公子成曰吾國東有河薄洛之水與齊中山共之而無舟楫之用自恒山至代上黨東有燕

東部之境西有樓煩秦韓之邊而無騎射之備故寡人聚冊楫之用求水居之民以守河薄洛之水變服騎射以備秦樓煩之邊昔蔣子不塞晉陽以及上黨而襄主兼戎取代以攘諸邊今寧武鴈門偏頭三關郡武靈所掠定三邊之地

牛贊曰先君襄主與代交地城境封之曰無窮之門所以詔後而期遠也此明趙之先世已有斥邊外意名爲無窮之門則代固制邊外之大關鍵趙置雲中鴈門代郡西北畧地欲從雲中九原直南襲秦是時秦方欲吞噬海內主父且欲從直道襲之即此雄心凌厲千古

酈食其謂漢王曰足下急進兵收取滎陽據敖倉之粟塞成臯之險距飛狐之口守白馬之津以示諸侯效實形制之勢蓋飛狐之口距則常山之險全常山之險全則鉅鹿之形壯而楚漢之權即有分矣漢光武命王霸杜茂治飛狐道堆布土石築起亭障自代至平城三百餘里欲便轉輸以謀困盧芳唐唐景休曰豐州控河過寇號爲襟帶土田良美宜耕牧廢之則河傍地復爲賊有雲夏不足自安矣豐州近葫蘆海在大同長城外與東勝一體

唐張仁愿知朔方軍與突厥以河爲界見突厥每犯邊必先禱北厓一拂雲祠仁愿乃於河北築三受降城以拂雲爲中城南直朔方西城南直靈武東城南直榆林三壘相距各四百餘里

安祿山城雄武扼飛狐塞王忠嗣上言祿山且亂此忠嗣之先識也時祿山以薊爲巢穴恐河東之勁兵擣之飛狐塞則兵無從入已

後唐末帝詔應州修茹越口忻州堙石巖開左右道路將以偏師擣契丹也

宋張耒曰契丹雲應對朔四郡間遣人以文移至祥代非覲邊虛實卽欲察識道路宜密諭代州使自雲應朔至者田大石谷入自朔至者自上塏入餘間路塞之以示險

歐陽修曰山西道路有三千餘處皆可行兵其險要折扼在于軍城銀坊等路今輕易委棄一日邊外以大兵渡易水而以奇兵自飛狐出西山諸口則我腹背受敵矣 盖宣大入中原惟有二門居庸直其後紫荆當其前由後必於雞鳴由前必於飛狐飛狐今之黑石嶺也

包拯曰契丹改雲州爲西京集兵馬意叵測且雲州

至并代地近形勢坦平此漢與北古今出入之路自  
失山後五鎮控扼尤難 按宋與契丹跨忻代應等  
州爲界此慮其下甲鴈門以窺太原爲今茹越北樓  
云

明尚書王瓊曰大同右衛兔毛河口最爲要衝 按  
兔毛之水泓流平行中難爲竇旁難爲墩惟兩岸築  
高墉與長城等隨水曲折長數里乘墉者以大石下  
擊之庶乎其可守矣

明總督余子俊曰大同中路西至偏頭關六百餘里  
地勢平坦無險可據不可忽之 偏頭相去雖六百

里而中猶有鴈門寧武二關總之仰重于大同

黃花聳其前三臺擁其後東映鎮海西嗟峪口

黃花三臺

皆嶺名  
懷仁

居併代之間臨絕塞之地八山旋而環繞二水合而

渾流

渾源

茹越屏其南桑乾帶其北龍首雄峙於左鴈門拱嶂

于右

應州

九嶺拱圍二河吞納東西長川坦然平濶

山陰

東距馬邑西達鄯陽南接元池北連洪濤桑乾繞其

後鴈門峙其前

朔州



東近雲中西接朔州濤山峙後鴈塞居前桑乾灰河  
襟帶左右馬邑

萬山環拱諸關要害尉州

西枕亂嶺東距洪渡居并代之肩當尉渾之咽喉四  
山圍繞二水合流東近紫荊南出倒馬兩關脊背二

鎮咽喉廣靈廣昌

四圍皆山巍然相接澹水南環周流無間西邇平邊  
北連居庸東達紫荊靈丘

論曰天慙虎落司馬具有長計論形勝于今日邊  
腹享安孟之休中外殿一統之盛似不必斤斤杞  
慮矣而北門鉅鎮屏燕谷而藩并代居重馭輕彈  
壓控制允稱阨塞陰雨綢繆之防蓋臣切焉如必  
徇而講衣初也尚得謂訐謨哉

### 方輿誌

#### 古蹟

登高晚眺屋烏幾遷燕麥兒葵林木蒼然君子于  
役彼忝其浥吊古思今韓陵片石志古蹟

### 雲中郡

陽和首附

白登 白登村在城南二十五里乃白登縣之遺  
漢史冒頓以精騎四十萬圍帝即其地也

娘子城 去白登村二十里俗傳曲逆以美婦艷胃  
頓激關支過而信宿焉故名

樞密寨西山迤南峰岿峴云青龍觀春夏間岸草  
山花紅碧欲滴觀前有懸石絕頂僅西有石洞攀鐵  
索乃上咏者曰不知通得天台否鐵索懸崖渡石橋  
西望更出高峰名樞密寨世遠莫攷或亦出守天雄  
之遺類耳

龍泉寺 去陽和南四十里石洞連龕水自西而環  
繞東入叢林俗傳唐太宗飲馬於此二蛇盤鬪俄騰  
雲去遼宋間斷碣存焉

太師庄 在城西北十餘里係明勳臣英國公張輔  
食邑河水灌溉稱沃壤焉

國朝皆輸租實餉矣

長城 府北卅里傳是蒙恬所築土色皆紫故呼爲  
紫塞

定襄城 府城西北二十里漢爲郡唐爲縣皆置於  
此有陰山青坡二道皆出兵路

蘇武城 府城西北五百餘里武使北時居此

盛樂城 府西北本漢定襄郡之盛樂縣後魏拓跋  
珪都此唐於此置振武軍遼置振武縣

雲中城 府城北郭外唐爲雲中郡左近又有高柳  
故城參合陂

東受降城 府城西北五百餘里古東勝縣東北八  
里本漢雲中郡地寰宇記曰東南至朔州四百里唐  
人所謂受降城外月如霜者是也

中受降城 去東受降一百餘里本秦漢九原縣地  
唐貞觀初立雲中都督府後置橫塞軍遼置雲內州  
領雲川柔服二縣元省入州

西受降城 去中受降一百餘里古豐州西北八十  
里三受降皆唐朔方總管張仁愿所築開元初張說

於西城東別置新城寶曆初張惟清徙東城於綏遠

峰南

東勝州城 府城西北五百里隋改爲豐勝州治榆  
林縣唐爲東勝州遼廢後復置

寧邊州城 府城西北三百里廢東勝州南三百里  
遼置州金置鎮西軍元省入武東勝二州

高山衛城 府城西八十里洪武初設衛宣德間調  
附天城其城遂廢

玉林衛城 府西北二百四十里洪武初設衛宣德  
間調附大同右衛其城遂廢

白羊城 府城西一百四十里即大同舊衛城

五原郡城 府城北四百二十里本秦上郡北境漢爲五原郡唐復爲豐州寰宇記九原有前後雞延城及卽君城 明皆棄之

宣寧城 府城西北八十里本遼宣德縣置昭德軍金改爲宣寧元因之 明廢

平地城 府城西北五百里金立平地裊元置爲縣明廢之

富民城 府城西北五百餘里古豐州境本漢臨戎縣隋改名富民

河濱城 府城西五百里隋爲榆林縣唐曰河濱屬東勝州俱廢

後魏宮垣 府城北門外有土臺東西對峙蓋雙闕也後爲天王寺

遼金宮垣 府城西門有二土臺宮闕門也路寢之基猶存

平城外郭 府東五里本秦漢平城縣其外郭乃西魏所築在無憂坡上

高關塞 府城西北五百餘里古豐州之西史記趙武靈王築長城自代傍陰下至高關卽此塞

相陽塞 府城西北五百餘里古豐州境漢爲相陽  
縣屬五原郡漢書竇憲出雞唐塞鄧陔出相陽塞遂  
至燕然山

單于臺 府城西北百餘里漢武帝元封初至勒兵  
十八萬騎登此臺

李陵臺 府城北五百里古雲內州臺高二丈餘唐  
地里志雲中都護府有燕然山山有李陵臺蓋陵不  
得歸登此望漢其近有拂雲堆堆上有祠

鳳臺 府城內西北隅左右二臺各高數丈元大德  
十一年地震摧其左至延德間右亦摧今其地名鳳

臺坊

梳裝樓

在府城西北隅遼蕭太后居此存遺址

天王臺

府城北二里元魏所建離宮今改郡厲壇

八疙疸

府城南三里元魏冠謙之告斗建淨輪壇

之所

銅石像

府城舍和坊遼建華嚴寺奉安諸帝石像

銅像計石像五銅像六內一銅像袞冕垂足而坐餘

皆常服

玉龍洞

懷仁縣西北四十里玉龍山石壁有洞口

上建三清廟遊人近洞口則風聲迅急俱不敢入邑

人叅議李克中有記

聚仙臺 懷仁縣西南六十里天羅寺南有一臺上有仙人鐵拐李腳跡拐印

雞鳴城 懷仁縣南三十里俗以早起城呼爲雞鳴城遺跡微存

梁郡城 朔州西二十里後魏爾朱榮所築

太平城 在朔州後魏置神武郡北齊改曰太平城內有統萬所大二釜各受二百石

武州城 朔州西一百五十里本趙武州塞漢改爲縣屬鴈門郡晉改爲新城後唐李克用生此金爲武

州治寧遠縣

通天樓 在朔州城內夏主赫連勃勃建

鄯陽縣 朔州城外西北有古城基秦時馬邑地北齊置招遠縣隋改爲鄯陽遼金元因之 明廢

句注塞 屬朔州趙襄子欲併代約代王會於句注之塞卽此

白樓 在朔州舊城內東北郡志云後魏納後秦姚興之女爲后建此望故國飾以粉鉛故名

尉遲恭故宅 朔州石碣村遺跡微存

托邏臺 朔州寧武山上宋太宗使人望楊業之所

魯臺 在馬邑縣西北世傳唐李靖所築觀星之臺  
寰州城 馬邑縣關西迤南五代唐置寰州遼改爲  
縣城址具在

古峰臺 馬邑縣莊頭村臺高四丈中空可匿百人  
其土堅實莫能攻

古戰場 在馬邑縣南五十里宋楊六郎屯兵之所  
元忠臣故宅 馬邑縣司馬泊有元忠臣崔斌崔或  
宅門前石獅尚存

金龍池 在馬邑洪濤山下其水淵深無底唐初有  
一馬從池中躍出里人驚怪莫敢近之馬每朝則出  
奔騰郊坂暮復投水中以爲常尉遲恭往收之從太  
宗征伐翊成開剗之功後馬不知其所終

紀異

附

大同爲晉轄大同校士則屬宣大往歲

晉闡簾官偶繼大同士無解額余力主復舊制簾  
內外辟三人馬余按大同見郡庠鄉賢多闕檄府  
議最著者合祀以光郡乘鄂國公故鄴陽人專祠  
馬邑府議入祀尚持兩端余謂世民雖有慚德鄂  
國委身盡忠且有保障功祀之可此八月初事也  
晉闡分校楊憲慕閱卷時恍見尉遲公入簾內問  
其意欲中大同人已揭榜獲雋者二咸詫以爲奇

高太守謂余追崇鄉哲作興人材意甚拳切神之  
格所以報也余烏敢當乃其顯靈默相時與事會  
亦足徵神之如在吾人一動念靡不降陟不可不  
慎因爲文祭之復紀其事以志異云時萬曆己酉  
十月朔日巳酉 御史吳吉兗紀

### 祭鄂國公文

惟神英智絕倫勇畧冠世委身有盡心無二錫封  
鄂國發跡鄴陽功垂保障代享蒸嘗其以巡方拜  
于祠下低回有懷馳驅靡暇緬維大節卓爾精忠  
庶幾文德寧詎武功譏祀賢祠躋之俎豆厥伐開  
先其儀啓後繫神如在金此微誠適逢大比忽聞  
異徵闡棘深巖排簾直入點頭朱衣彈指柳汁雲  
中諸士三年不鳴陰隲默佑二僑同升其忝衡文  
快覩生色豈其之能惟神之力特陳醴齊式薦明  
馨與文偃武永藉神靈

馬邑城 在朔州東晉地記云秦築此城數成數崩  
忽有馬周旋馳走不舍父老異之依以築城乃不崩  
鹵城 在應州漢時縣

金鳳城 應州城東北天王祠前後唐明宗生此中  
有金鳳井



泊城 應州治西大定街北因兵燹而廢

應州故城 應州東十里唐李克用遷城於天王村南此城遂廢

木塔 在應治西佛宮寺內遼清寧二年田和尚奉勅募建高三十六丈圍半之六簷八角上下皆巨木爲之層如樓閣玲瓏宏敞浮圖之麗甲于宇內元順帝時地大震七日塔傍舍宇盡皆傾頽惟塔屹然不動 明洪武元年塔頂放異光三夜永樂四年帝登塔御題峻極神功正德三年 帝登塔御題天下奇觀

金城縣 應州城內本漢陰館縣後改名金城縣治今爲儒學未樂間掘地得金城縣印

三岡四鎮 俱在應州趙霸岡在城東黃花岡在城西護駕岡在城南安邊鎮在城東大羅鎮在城南司馬鎮在城西神武鎮在城北

劉智遠故宅 應州東北二十里有石甃井

透玲碑 應州佛宮寺相傳唐晉王墓上石光明如鏡照見人物元季兵燹止留二尺許正德間鎮守太監刻詩置塔壁

梳洗樓 在應州治西南四十五步世傳元元帥韓

潛故宅乃梳洗之所

古龍松 應州城南小石寺合抱平頂色極蒼翠枝  
榦龍蟠相傳異僧手植蓋唐宋時物

龍首書院 應州西南遼翰林學士邢抱朴建今儒  
學基是

望城樓 在應州南三十里即韓元帥游觀所

一經樓 龍首書院東遼郎中邢簡妻陳夫人教子  
讀書處

渾河碑 應州東關龍王廟石螭首上篆刻開瓶渾  
源河碑記成化時州人自渾河撈得

古石經柱 在應州關王城隍二廟八角石上書刻  
經文字書甚佳蓋遼金時筆

凝翠樓 在應州古城西門唐天寶時建

黃昏城 山陰縣北黃花嶺後俗呼日沒城爲黃昏  
城此城并前雞鳴 中三城俱後魏文帝築

忠州城 山陰縣西南十五里又名山陰古城

蕭太后營 山陰縣西北二十里安銀子邨遼蕭太  
后駐兵處遺址依然

磨笄石 在山陰縣夏屋山即今佛宿山史記趙世  
家趙襄子姊爲代王夫人襄子飲代王使庖人操銅

斗擊殺之平代地其姊泣而呼天磨笄自放後人哀之因名其山爲磨笄山

風石 山陰縣忠州故城西北隅石大如屏厚三寸色如肝有跡如龍形每石鳴則風起上有草字模糊莫辨縣民殷氏取以甃卧坑夜間風聲如吼懼而送還原所鄉民覆以小祠祀風神後官廣爲三楹

龍王神芍 在山陰縣辛寨南山麓龍王祠中祠前芍藥一叢每歲開花一十五朶色各不同管有一僧折其一將以供儷其花隨萎復至其處則原莖復開一花如舊人驚其神異不敢攀折雖無藥欄牛馬過之皆避不敢踐

石峽風葫蘆 渾源州南磁窰石口石峽上有張君詳刻紈扇風葫蘆今人過此雖暑熱卽有風生

代玉城 蔚州東二十里漢時爲代縣文帝所封其西北四里有薄家庄薄太后家所居也

讀書堂 在渾源翠屏山金之蘇右未第時讀書處  
弘州城 蔚州西北九十里漢爲代郡陽原縣地後魏置長寧縣隋改開陽縣唐爲安邊郡遼置弘州元以附郭襄陰縣省入州今廢有城改爲戍堡

靈仙縣 在蔚州城內本唐興縣五代梁改曰隆化

晉曰靈仙遼因之 明朝省入州

定安縣 蔚州東七十里本漢代郡東安陽縣地唐未置爲縣後唐李克用伐劉仁恭次蔚州晨霧晦冥占不利深入會風電大作燕軍解去即此今廢

大古城門 蔚州北八十里天城衛南七十里世代莫考

孝顯堂 在蔚州金叅政陳輝歸老于此張復亭記  
寡婦城 靈丘縣東北七里相傳其夫死兵城多寡婦故名

平舒城 廣靈縣西十里即漢置平舒縣故址今平水村是也

靈丘故城 靈丘縣東十里其西十里有蕭太后城東二里有陽六郎城

欽城 水經註靈丘縣有興豆亭欽傾而不正故世以欽城目之則又有蒞泉亭

御射臺 水經云在靈丘北阜上有御射石碑

大勝甸 靈丘縣東六十里元兵勝金人於此故名  
紂王城 廣昌縣城東十五里遺址具在內有比干廟是否未確然相傳者久矣

飛狐縣 即廣昌縣治後周置隋改今名相傳有狐

於紫荆嶺食五粒松子成飛仙唐屬蔚州其北有飛  
狐道極險躡食其說漢高塞飛狐之口卽此其東十  
里有飛狐洞昔有狐九尾能飛每遇鷹犬則落故名  
未審孰是

銅山冶 在廣昌縣舊置爐鑄錢唐至德以後廢元  
和間復置

拂雲堆 在古雲州境堆上有祠

玄宮鼎榆 在左衛真武廟內古榆蒼翠根無所緣  
挺生於大鐵鑪之上

論曰折戟沉沙磨洗可認其時非其事往其蹟釋  
豸而綿綿若存者非作而致其情也朱雀橋邊時  
飛王謝之燕碧瓦堆裏堪識建安之泥以至數椽  
片土俱傳芳址亦其人之可稱述而誌不朽也不  
然羊大夫所云自有宇宙卽有此山而湮滅不聞  
者實堪悲傷云

### 方輿誌

### 風俗

諤言敗俗諤好敗則君子維之節儉正直繫此邊  
叅一洗澆漓陶唐不遠時雍可幾志風俗

### 雲中郡

地土沙磧磽泊寒獨蚤七月隕霜農人往往清明前  
後種麥豆五月種穀粟秫稷蕎麥油麥等項豐歲畝  
不滿斗故中人日僅再食俗多儉嗇恒存蟋蟀之風  
風高氣寒草木開發殊遲而結實頗繁故瓜菓蔬菜  
之類較他地特饒焉

士習謹愿上臺巖臨絕無武斷干許之行簪弁子弟  
服習弓馬給事塵幕以列車騎材官之盛且地近虎  
山土著從戎者十室五六少小邊庭之習氣爾爾商  
賈俱出山右人而汾介居多踵世邊居婚嫁隨之本  
城市屢若微薄貿易而已

歲時紀

迎春塑春牛芒神與各處相同立春前二日優人樂  
戶妓女各扮故事鄉民携田具唱農歌爲興作東事  
之狀共一處名爲演春

正月元旦日無論鄉紳士庶喜辦衣服酒食之類以  
豐麗相尚拜賀交錯仍燕會彌月方止

元夕自十四至十六日競張鰲山燈開放火樹以慶  
太平 十六日郊遊云除百病 二月二日各村疇

社地醜錢獻牲謂之扶龍頭 三月清明日拜掃坐  
墓間豎鞦韆爲戲 四月八日赴北嶽廟焚香進紙

舖行各行于關聖廟獻唱數日供設花盤紙工極其  
精潔 五月五日天中節食角黍飲菖蒲雄黃酒帶  
辟兵符懸艾虎 十三日營官治祭享祭伏魔帝君  
廟凡三日鼓樂不絕 六月六日併初伏日造酒醬  
躉麴曝衣 七月十五日中元節俗傳爲地官赦罪  
之日薄墓設麻穀薦時食于祖先拜掃塋墓官府亦  
以是日迎祭城隍厲壇焉 八月十五日中秋結綵  
製月餅至晚陳列果品剖瓜賞月親族多以品物餽  
遺 九月九日重陽節家製棗糕菊酒親族相餽如  
前 十月朔日剪紙爲衣焚化謂之燒寒衣 十一  
月冬至日謂之亞歲官府五鼓朝 賀鄉士大夫同  
之如元旦儀節 十二月八日食鵬粥作鵬醃醃肉  
藏冰 二十四名爲交年供餽餅酒果祀皂神以求  
福庇掃除舍宇 除夕易門神桃符修歲事陳祀儀  
守歲仍多嫁娶

鄉村三月春祈八月秋報神廟前扮樂賽享

論曰夏傳小正而周禮命司市納價以觀民先王  
省方布化之權譬諸波轉嵐應責有攸司矣第勞  
土息土苦樂迥分而奢靡之維挽又不盡司牧事  
也本鎮地極邊徼承平久而駸駸侈汰廿年來半

以荒旱窘半以軍興竭古謂原大則饒原小則鮮  
正其時矣國儉而示之禮士愿農敦工朴自相懋  
勉端有厚望焉

### 方輿誌

### 封建

宗子維城大邦維翰不及政貢展親之憲秦漢而

下得失互見綿綿玉牒永遵金鑑志封建

湯既代夏封同姓於代爲子國

史記正義曰飛狐口北古之代國

周元王二年趙無恤封其兄子周爲代君初趙簡子

已立太子伯魯後賢無恤能得符乃廢伯魯而立無

恤爲太子後簡子卒服未除無恤異以計繫殺代王

遂興兵滅代憐兄伯魯不得立而卒因封其子周於

代是爲成君

威烈王元年趙嘉自立于代初成君卒襄子立其子

浣爲後嘉襄子弟也乃逐浣而自立後嘉卒國人以

嘉立非襄子意共殺嘉子復迎立浣

赧王十八年趙主父封其長子章爲安陽君

安陽縣即安定

初王偃已立章爲太子及得吳娃愛之生子何乃廢

章而立何傳位自號主父

趙孝成王十五年封廉頗爲尉文君

尉文地今屬蔚州



幽繆王八年公子嘉來奔立為代王秦盡取趙地虜  
王遷公子嘉率其宗數百人奔代乃共立嘉為代王  
秦二世二年趙王歇立陳餘為代王餘留趙不之國  
使其相夏說來守代

漢高帝六年封兄喜為代王時天下初定懲秦孤立  
大封同姓以雲中鴈門代郡五十三縣封兄喜王代  
未幾邊外來攻喜奔京師廢為合陽侯 七年封子  
如意為代王勿未之國帝乃使代相陳豨來監國居  
二年徙如意王趙 十一年封子恒為代王 都即今  
之蔚州  
未幾遷代于晉陽高帝崩大臣迎立之是為文帝

光武 十六年封盧芳為代王芳乘王莽之亂詐稱  
為武帝曾孫借邊外兵掠地勢張甚光武數討之芳  
遂竄于北屢入為寇至是入居高柳遣使乞降帝遂  
封為代王

晉愍帝建興三年封代公拓跋猗盧為代王初并州  
刺史劉琨討南白部乞師于索頭猗盧即助兵三萬  
騎大破白部琨甚德之結為兄弟為請於朝封為代  
公又與琨并力討劉曜于晉陽破之遂晉爵為王傳  
至拓跋珪改國號魏

明太祖第十二子初封豫王後改封代王以洪武二

十五年之國府在大同府城內迤東即遼金西京國  
子監改也建文年 王被幽繫永樂元年詔解雪復  
封爵薨謚曰簡簡王生子十一長世子遜熾未立而  
薨謚悼戾餘十子封郡王首廣靈次潞城次山陰次  
襄垣次靈丘次宜寧次懷仁次隰川次昌化 自簡  
王而下戾王隱王惠王思王懿王昭王恭王定王康  
王莊王端王穆王至十四王傳齊與其世子貽逢闔  
家與闖難駢首就斃嗚呼何北地之不再見哉

附代懿昭王世家 肅宗三年鎮兵戍撫臣張文  
錦而叛也謀戴懿王而美潢池焉王以死拒之昭

王方爲世子亦竭力拒叛 朝廷勅諭褒嘉已王

薨世子立爲王踰數年而叛黨未靖王福勝復戕  
鎮臣李瑾以叛王恐擁已微服出城欲自歸 闕  
下左右諫以擅離信封王曰別嬾明微乃在斯舉  
行至上谷韓邦奇方爲撫臣留王毋行奏聞上爲  
璽書慰諭馬福勝等遍求王不得卒以次伏誅難  
定王乃歸國若二王者可謂世篤忠貞矣而昭王  
之忠而智尤足多也

論曰聖人之道經其始必慮其終帝王之事覆于  
前乃鑒于後封建大典但歸于勢不得已柳之論

將毋因饑而廢食乎然而柳固一代卓識也宋人  
引言水在地上建萬國而親諸侯似也陳龍川又  
謂非折衷之論法天無私詎易言哉總之是非互  
而因時制宜得之矣

方輿誌

巡幸

伊昔之巡爲事爲民代斯季矣以畋以振五子興  
歌八駿絕塵孰如靜穆譬彼北辰志巡幸

虞帝巡狩至于恒山舜五載一巡狩冬十一月肆觀  
北后協時月三日用玉帛牲贄表恒山爲北岳

秦始皇三十二年幸碣石巡西北邊從上郡入

漢高帝七年帝自將討韓王信于馬邑將軍周勃樊  
噲夏侯嬰灌嬰奮擊于武泉敗之信亡北邊外收散  
兵構冒頓攻漢屯廣武帝復自將繫之敵佯走漢兵  
乘勝追北遂進至平城步兵未盡至冒頓縱精兵四  
十萬騎圍帝白登七日中外不相救帝乃用陳平秘  
計厚遺冒頓閼氏乃解圍一角帝彊弩傳兩矢外嚮  
從解角出帝欲馳夏侯不可故徐行卒得脫與大軍  
合竟安坦無虞

武帝元封元年帝至五原詔北幕未輯將巡邊陸秉

武節親帥師乃置十二部將軍行自雲陽北歷上郡

西河至五原登單于臺勒兵十八萬騎旌旗千餘里

遣使告北邊外以天子自將待邊各部驚遁乃還三

年帝至五原東並海北抵碣石由遼西至五原而還

遼西今之赤平府四年帝至代出簫關歷獨鹿鳴澤以

至于代遂幸河東中都天漢二年帝祀恒山既東

封泰山祀明堂因受計還至恒山致祀

章帝元和三年北巡狩出長城還省幽燕

晉太元二十一年魏主拓跋珪蒐于定襄

齊建武四年魏主珪至雲中三月復至平城遂還洛

陽按拓跋珪至雲中靈丘車轍馬跡多矣具不書蓋向都平城此則輦下今自洛陽來巡故特著之

隋煬帝大業三年帝至雲州發河北十郡丁男鑿太

行通道達于并州過鴈門太守丘和獻食甚精至馬

邑太守楊廓獨無所獻帝不悅以和為博陵太守使

廓至博陵觀之由是所至獻食遂出塞耀兵使長孫

晟諭旨令啟民可汗親自除草以明威重因賜啟民

路車乘馬鼓吹甚厚十一年帝巡北邊突厥始畢

率騎數十萬謀襲乘輿義成公主先遣使者告變帝

乃馳入鴈門突厥圍鴈門矢及御前帝大惧泣目盡

腫用尚書樊子蓋言募天下兵詔守令競來赴難唐

公李淵子世民年十六應募說衛將軍雲定興曰宜  
 晝則引旌旗令數十里不絕夜則鉦鼓相應彼必謂  
 救兵大至望風遁去定興從之義成公主遣使告始  
 畢云北邊有急諸郡援兵亦至突厥乃解圍 宋開  
 寶五年契丹主邪律賢至雲州 六年至應州太平  
 興國七年契丹主至雲州獵于祥古山 淳化二年  
 契丹主至蔚州射鹿南山 景德元年契丹主至桑  
 乾渙獵 天禧二年契丹主至雲州獵 宣和四年  
 契丹主至雲州獵于鴛鴦瀨  
 乾道二年金主雍至雲州謁于祖廟因幸華嚴寺觀

故遼諸帝銅像六月至銀山獵

紹熙四年金主璟至香山遂幸永安寺及玉泉山

慶元嘉泰金主五獵香山

寶慶元年元主至雲州見軍政森嚴錢穀充溢嘉耶  
 律楚材之經畧遂授中書令

明洪武三十二年 文皇帝幸大同興師靖難收助  
 雲中諸將張玉朱能薛祿陳亨皆以兵從 永樂四  
 年 帝幸大同北征駐驛應州上寶宮塔 御題峻  
 極神功正統十四年也先入大同鎮兵失利中官王  
 振主議親征 帝從之率官軍及私屬五十萬人出

居庸關盡爲淪陷也先遂奉帝于北 景泰元年也  
先擁上皇至大同城下索賂願多得金帛而歸駕總  
兵郭登閉門不納復擁去後也先自奉上皇還京  
正德十一年 帝幸陽和遂至大同邊外兵數萬圍  
陽和轉掠應帝命將禦却之自九月至閏十二月還  
京十三年又幸鎮城自六月至十四年二月始還

論曰紫宸天樞以昭靜攝之象而雅言赤芾金鳥  
會同有繹儀何盛也三代而下誣天者妄動希蹤  
于封禪窮兵者黷輒借口於聲靈要惟修德法古  
光垂史乘民當有望翠華而呼嵩者矣



